

畿輔通志卷二百四十七

列傳五十五

列女三

明

保定

永平

明

保定府

清苑縣

霍瓚妻張氏年二十瓚卒甘志守節家貧躬樵采紡績以自

給撫孤鳳爲御醫鳳亦盡孝馬理嘗爲詩以贈之

康熙志

樊璉妻張氏適璉三載而寡哭泣嘔血五日不食氣絕復甦

撫遺孤曷領鄉薦

同上

大學士石琚李時俱贈以詩

縣志

崔景昭妻梁氏年十九守節子女俱無壽八十二而終

康熙志

常輅妻湯氏年二十一夫卒毀容自閔不見親故貞守三十

餘年完志以終

張鑑妻龍氏年二十生子三朝而夫亡孀居撫孤不辭勞苦

五十餘年卒

俱同上

司崇質妻張氏年二十四夫亡親老孤幼勤苦持家教子殲

瑤皆由歲貢出仕御史景濤奏聞旌表

縣志康熙志

王甫興妻楊氏年二十二守節孝事舅姑始終無怠

康熙志

安仲傑妻楊氏年二十守節撫孤以終閨範凜然

趙瑞妻張氏嫁三歲而瑞亡事繼姑以孝聞守節終身

徐霖妻王氏年二十寡守遺腹子至七十卒當道旌之

張勳妻孫氏年二十七守節撫子守宗早卒子婦李氏亦二

十七歲與姑共撫一孫及婚又卒孫婦王氏年二十六家無

厚產紡織爲生三世完貞鄉閭矜式

俱同上

張沼妻吳氏沼爲諸生遇寇變吳義不受辱罵賊遇害

大清一

統志旌表立碑墓道縣志

李瀛妻郭氏瀛爲大同斷事既卒無子郭與妾韓氏同時自

縊親族解救韓甦而郭已死

大清一統志

王養志妻李氏年十九志卒翁姑令他適二日不食乘間自

縊死

康熙志

督學賀一桂請旌建坊

縣志

楊汝立妻王氏事姑盡孝夫病籲天請代及卒以撫孤自任

井曰親操郡守兩院旌之歲給粟帛

同上

楊天秩

縣志府志康熙志皆作李天秩

妻王氏幼通書史大義年十六歸

秩五月而夫亡念姑老忍死奉侍姑死依父母以居父母亦

卒有女姪歸張引者亦孀貧甚同歸母家共處一室祁寒盛

暑不出閨闥五十年如一日尚書高耀有墓志

康熙志

王遷妻陳氏年二十九夫卒甘志守節孀居四十餘年卒

李進榮妻王氏年二十一夫故哀慟不食於柩傍自縊死

劉澤妻傅氏文毅公女也年十七夫亡無子毀容去飾設木

主以祀之朝晡上食事如生凡四十年卒

同上

李芳妻宋氏年二十芳死長子植三齡幼子朴未周歲姑司

氏衰老殘疾宋躬紡績奉姑攜幼守志五十三年卒於萬厯

辛亥二子一襲武職一爲名宦督學奏聞建坊旌表

康熙志縣志

孫承宗李節婦詩弔孀節仙侶侶降臨產名閱乘龍一醺舉案
欽渡鵲二旬藁碁別石麟初見方三齡玉燕繼出僅彌月矢
志柏舟堅不移展孝萱堂養無缺未幾天心錯使劍誰堪貞
母割骨血幸有墨題列紫綬且毓瓊華兆金捷光前裕後無
煩慮克孝盡慈何悱惻我弔荒煙
蔓草間不覺平林落照蟲鳴咽

司邦醕妻宋氏年十七寡守節終身天啟七年旌

康熙志

黨雲龍妻張氏年二十三夫死家貧姑衰子穉苦節四十七

年壽七十終崇正二年旌

同上

劉鎮妻徐氏年二十孀居撫孤繼祖後繼祖爲指揮使戰歿
婦戴氏年十八子忠嗣尚在抱戴仰事俯育守節以終後忠
嗣亦死忠別有傳世稱一門節孝兩代忠貞云

康熙志
縣志

劉壽昌妻楊氏年十九夫卒事姑曲盡婦道母家來迎辭以
姑病不能去側閱三年姑歿喪葬畢哭告於夫墓曰妾今得
相從地下矣遂絕食家人泣請遺言楊曰姑服在身殮以布

素遂瞑目名公鉅卿多作詩勒石弔之

康熙志
林桐劉烈
婦歌發宿
明明耿絳

河虛空彷彿觀纖阿光華可望不可卽烈烈遺事堪編摩孝
廉閨秀劉生儷相望里閨俱家世蘋藻方聞薦德馨親調脩
瀧出中饋夢裏鳴雞夜未央解來雜珮聲玲瓏燕爾僅看其
四落人間突去修文郎痛絕還蘇誓必死可憐病姑深痛子
要供菽水解親憂忍使泉臺絕歆祀荏苒三年稱未亡嗷然
此志凌清霜一朝諫草萎堂背兩旬絕粒了網常歲在辛亥
夏五月炎風吹火雲煙發連綿靈雨六十朝天地爲之淚滑
滑從容一死何慷慨炳然大節參元宰太行增高易水深前
無古昔後無待羌予出鎮古上谷悲來氣奪
漸離筑吟餘搔首望高秋蛩語淒淒斷難續

王世琇妻武氏世琇任歸德司李崇正壬午殉城武聞訃一

慟而絕久之復甦託孤子幼女於妾汪氏投繯死

大清一統志

劉兆元妻賈氏元素文弱以苦讀致疾卒遂絕粒欲殉比葬

賈臨穴一慟及歸竟不起郡大夫咸臨其喪表其門焉

府志

劉遠妻邵氏嫁六載而孀守至六十九歲無疾卒

同上

陳士章妻張氏甲申保定城守瀕危張率女戚辭家廟至後

園坐井旁以待城破奉誥命投井死侍婢抱周歲孫仔亦隨

下從死婢四人凡一門九人

康熙志 小腆紀年 案自此以下皆甲申殉難入忠烈祠者

張純心繼室李氏崇正甲申城陷時見賊厲聲曰我忠臣家

城破當死何惜老命坐堂上而罵之遂被殺破腦而死年七

十四

縣志張氏家乘

謹案明史但稱羅俊伯母李氏今據縣志補著其夫名

張羅彥妻趙氏當城破時誓與羅彥同死乃結雙纒於井亭
先引纒纒絕墮地傷股落二齒及少甦匍匐入井是時子婦
及妾已死於井矣自投而下踰一日夜不沈家人聞井中有
聲出之復索刀欲自裁家人防之不得復倒投於井旋浮水
上又不死越兩日夜鄰人挽之出曰夫人纒不能死井不能
死此天欲以孤付夫人也是時晉幼子華宗尙存乃匿空室

中已而潛出城以免

汪有典全明忠義別傳
宜人傳最爲詳覈其略曰

案邵嗣堯張

歸里數遇城守捐囊橐宜人輒佐以冠帔簪珥至甲申三月
羅彥拒賊於神京既陷之後趙知羅彥父子兄弟無生志而
慮先祀之顛也命乳嫗湯老嫗周抱週歲孫秉曜以出率妾
婦等誓井以待城陷與羅彥同縊纒獨絕墮齒傷股匍匐至
井二妾子婦已先焉矣乃投入不沈詰旦家人出之欲自剄
家人不忍進刃遂再投纒又絕復趨井自言曰吾前投也順
故浮今逆而投當死矣遂倒撞下至底又隨浮上強呷水亦
不死經兩晝夜於時有安坤者義俠人也故隸門下見而泣
曰頃見兩嫗挈孤孫亡匿天其將以此累宜人故屢死不得
也引索始挽趙出舍草屋中悅忽見羅彥至肩輿隨之促趙

乘覆以青袍曰孫出矣可急行遽如夢覺是時賊恨張氏甚懸金大索有敢匿張氏子姪者死四城盤詰莫敢往來而家人昇趙出城竟無一人問者羣以爲青袍之陰相也旣免復遇湯周兩媼遂教孫以終及歿遺命不作佛事尤垂爲世範云 吳憲儒詩宜人大義何其烈萬死不死終完節忠臣無後天豈然付與孤孫緜瓜瓞青袍覆體肩與隨從容直出豺虎穴相依爲命亡復歸二十餘年恩勤切令伯能不墮家聲識者躋之淵明列舍飴更復弄會孫偷然乃返瑤池轍吁嗟芳躅炳千古卽今餘事誰能伍志養姑嫜無間言急公簪珥如揮土幾見媵女安衾褐羣禱五祀出肝腑地獄天堂識絕倫不以佛經淆聽觀巾箇之中有若人世人鬚眉難比數平視嬰白齊柳顏形管不作尋常譜 陳奕禧贊於維宜人懿節獨勗天實生之并纓莫毒肩輿青袍孤孫倚屬忠烈有後如綫克續方脫簪珥助軍樹靈志報君恩殺賊意篤非烈士夫鮮不軻曲百苦備嘗有孫已足啟後光前如日再旭琬琰是書採風是錄千載芳徽留青玉局 又羅彥二

妾宋氏錢氏當城危時俱日夕坐後園井邊以俟及城破宋拔刀自刎氣未遽絕更與所生幼女同錢氏投井死宋年二十四錢年十七又羅彥子晉妻師氏頗通文翰城危猶讀書及城破見翁與夫入家不驚不語置書徐起更衣拜翁與夫

畢投井死年二十張羅士妻高氏早寡撫八月孤歷十七載
值城陷自縊年四十一張羅善妻高氏有三女聞城陷先投
最小女於井東次女於懷手攜已許字霍門十七歲之長女
同投井死年四十一張羅喆妻王氏聞城將陷謂夫曰君與
我異我婦人也恐遭亂君兄弟六人設盡殉國宗祀絕矣乃
促夫變容易服從水門出走及城破遂與孀姒高氏同梁縊
死年三十二張羅輔妻白氏在母家聞變卽欲殉咸勸阻之
白氏曰我不同汝輩吾夫好男子在城頭必死矣乃留妻子
不若人耶遂託言汲水竟推入歲女於井已隨投之而死遺
幼子幼女各一以失母亦死張震妻徐氏城破投井死年二
十五侍婢喜兒年十七亦隨死張巽妻劉氏守節十年聞變
亦投井死年三十一

明史張羅俊傳云婦女死義者三十三人其事實兼采張氏家乘及

統志

高植妻王氏高桂妻劉氏娣姒也城危預白翁姑曰我等幼婦恐受辱今叩辭請死劉託幼子於乳母拜曰爲高氏存後

吾瞑目矣城陷兩氏同縊一梁死

康熙志縣志

劉萬化妻胡氏寡居與其孀婦劉氏城陷同投井死

張羅誌家傳

劉忠嗣妻毛氏

康熙志

忠嗣守東城將陷召女弟適楊千戶者

歸與毛氏及子婦王氏同處一室俱以弓弦縊殺之

明史何復傳

賀誥

府志縣志同案明史賀虎臣傳作賀誠

妻霍氏聞城陷自縊死賀誠妻高

氏

明史雍正志府志縣志同案勝朝殉節諸臣錄作馬氏

及女投井死賀謙妻張氏賀

諤妻劉氏亦投井死賀識女適楊毓奇投井死賀良材妻曹

氏自縊死

康熙志

謹案諸賀分見史傳志書而小腆紀年謂賀誥一門婦女

十一人乃傳者祇此蓋賀讚一支當京師陷時已戰死
高粱橋彼特舉其全數耳

陳宗瞻妻楊氏城危隨姑辭家廟趨井以待城破罵賊刃創
其頭投井死殮時衣袂露鋼翦二把其志蓋預決云

康熙志
縣志

王延禔妻張氏王延初妻賈氏皆投井死一門婦女殉節五

十二人

上谷
紀事

謹案保定城守紀略作六十人而康熙志雍正志府縣志
則祇載張賈二人今並增識

陳偉

康熙志
雍正志同
忠義別傳
傳作禧

祖母張氏母楊氏妻常氏暨妹同

罵賊投井死

全明忠
義別傳

師恕妻劉氏賊至引頸代夫受殺賊怒刃之夫得免

康熙志

師瑋妻劉氏以身衛夫賊殺之

縣志忠
義別傳

王傳芳妻閻氏及女馮氏

失其名

暨未周歲女宋時中妻李氏

及女劉文耀

忠烈祠主作劉文學

妻錙氏及孫女存姐皆於城陷時同

女投井死

康熙志府志

王崇化妻趙氏同二子罵賊死樊崇階

忠義別傳作崇位

妻梁氏抱

子投井死劉鳳柱妻張氏抱姪治道投井死

康熙志

陳善女聞變自縊死李逢陽女投井死王氏女許字劉芸書

亦縊死連茹女

案全明忠義別傳作連茹二女

投井死

同上

湯燮元妹賊擄上馬滾墮數次不從殺死何光嶠

忠義別傳作光增

妹三姐四姐俱投井死

康熙志

阮銘祖母楊氏孀居五十餘年城破以杖擊賊被害銘妻劉

氏投井死

同上

石文光母司氏

忠義別傳作施氏

妻任氏弟武光妻任氏俱於城破

時投井死

康熙志
府志

賈爾梅妻孫氏王允慶妻徐氏賈鴻寶妻高氏劉元湛妻王

氏十六孀守張映星妻李氏張宏業妻王氏王爾爵妻劉氏

劉兆貞妻吳氏吳守默妻潘氏皆於城破自縊死

康熙志參
甲申紀事

孫誠妻許氏張炎妻裴氏張玉妻李氏劉望偉妻薛氏劉宏

妻王氏王耀妻劉氏阮積學妻何氏王繼桂妻張氏王溶妻

汪氏張樸妻陳氏王德元妻何氏何光岳妻師氏何一中妻

趙氏文斗光妻李氏張宗智妻張氏黃某妻齊氏王朝卿妻

朱氏王惟一母倪氏韓有金妻王氏張濬愚妻王氏李奇芳

妻王氏郭其謀

祠王作
郭奇謨

妻彭氏張文燦母湯氏王鎮邦妻楊

氏齊宏謨妻喬氏齊宏勳妻王氏安邦母張氏申錫妻王氏

黨鴻儀妻劉氏何有本妻唐氏張爾遜妻頡氏以上諸烈婦

皆於城陷時各投井而死

康熙志參府志甲申紀事

梁儒秀

案明史作楊儒秀勝朝殉節諸臣錄作梁秀儒保定城守紀略作梁儒孝甲申紀事與府縣志同

妻

杜氏梁蒞芳妻王氏卞文明妻李氏董秀妻燕氏劉世安妻

王氏曹儒俊妻李氏皆於城破時投水死

同上

劉自重妻羅氏常悅母李氏田仰名妻曹氏皆於城陷時被

殺死王傑妻董氏被射死

同上

王之珽

康熙志案之珽小腆紀年作之珽明史金毓峒傳作之珽府志作之珽縣志則之珽之珽兩見之

妻

齊氏先城陷一日之珽置酒會家人飲達旦城破偕妻齊氏

及三子二女入井死

明史金毓峒傳

文運昌

明史何復傳案甲申紀事作運開

妻宋氏甲申城陷赴井死

殉節諸臣錄

孫從度妻劉氏度聞煤山之變扶病痛哭絕粒死劉氏亦投

井死

清苑縣志

滿城縣

韓軌妻李氏年二十一生一子未周而孤李哀戚毀容勤苦

紡績以事翁姑撫子成立勵節四十餘年卒

康熙志

劉靖妻王氏年二十生子半月而夫亡守節至七十餘歲卒

劉治妻趙氏適治朞月而寡守義自持養姑慈幼和睦婢姒

教育子孫鄉鄰稱服貞操五十餘年卒

同上

韓昌女適士人翟姓者翟爲潯州判官卒任所韓確守婦節

屏去鉛華志行完潔逾七旬終事聞旌表

縣志

南江妻韓氏生而純雅適江生二子而寡守節六十餘年族

黨無間有司上其事被旌

康熙志
縣志

李章妻孫氏年二十章卒子邦臣方一歲守志撫成娶婦張

氏未三旬邦臣亦逝張年二十六與姑同矢節以終

康熙志

南楷妻李氏生子方斲而楷亡守志事親及舅姑歿訓子承家以讀書訓後世當道旌之

縣志

南寶妻王氏相夫有道尤精女紅生子八齡而夫亡次子爲遺腹苦志教成俱游庠序按臺旌之

同上

單諫妻梅氏年二十二夫亡子甫六歲梅矢志撫成以延似

續勤苦五十餘年卒屢被旌獎

康熙志

張聚良妻曹氏年二十三夫歿哭之喪明撫兩歲孤勗以育

諸孫多成名於隆慶二年旌表萬厯四年卒孀居五十五年

壽七十有七

康熙志
縣志

趙東山妻張氏二十五歲喪夫守節四十餘年隆慶間屢蒙

旌獎其子趙官亦早卒婦李氏年二十四奉姑同守撫育孤

孫至七十餘歲卒允爲一門雙節

譚琚妻賈氏年二十二夫亡守節年八十卒旌表俱同上

李鼎妻萬氏年二十一夫亡遺孤三歲守志撫成壽九十卒

趙天民妻魏氏年十七生子瓊康熙志瓊作瑗方周歲夫卒孝事舅

姑勤理家務以節終其身學政徐爲請旌表縣志

南邦彥妻楊氏年二十二夫故撫兩孤宮表官選自孩抱以

至游庠侍奉舅姑生死以禮完節被旌同上

鞏邦印妻郝氏年二十一而寡遺孤二長如礪三歲次如砥

未週守志撫成數十年如一日學政霍奏聞旌表康熙志府志

馮慶妻南氏適慶四載而寡繼姑百計凌苦之堅志不奪撫

繼嗣補弟子員尋亦夭逝又撫孫珍入邑庠守節五十年卒

趙光裕妻喬氏夫亡勵絕矢志守貞以訓孤爲已任督教二

子長宏猷得入膠庠喬自爲文以祭其夫聞者熾之同上